

Madam... tanah dah habis!!

CERITERA FYP2

oleh Faizah Kamarudin

Tit..Tit...Bunyi kiriman pesanan di Telegramku berbunyi.

“Salam madam. Tanah di makmal dah habis. Macam mana ni madam?” Pelajar FYP2 aku kaget dan gelabah. Sudahlah masa suntuk untuk buat ujian makmal, tanah pula tak ada. Malang bagi mereka sebab masa cuti semester hari tu tak boleh masuk kampus sebab PKP.

“Salam. Ok, kita kena pergi ambil tanah lah”, balas ku.

“Sempat ke madam? Ada beberapa minggu je lagi ini!” Masih ada nada kegusaran pelajar-pelajarku.

Makanya bermulalah proses memohon kenderaan UiTM untuk sesi mengambil tanah. Pada mulanya aku sangkakan semudah ABC, rupa-rupanya mengambil masa seminggu juga proses mendapatkan kelulusannya.

Pada 16 November 2021, saat yang dinantikan telah tiba. Aku bersama-sama 2 orang pelajarku sendiri dan 2 orang lagi pelajar FYP2 lain menaiki van UiTM ke kawasan paya di Batu Kawan. Kami bergerak dari UiTM pada jam 10 pagi dan kembali semula pada jam 2 petang. Penat sangat walaupun aku tak mampu tolong angkat tanah pun. Almaklum keadaan kesihatanku yang tidak mengizinkan. Tapi takpa, pelajar-pelajar yang pergi semuanya kuat-kuat belaka dan sanggup berselut dan bergelut dengan tanah. Hehehe. Macam-macam kejadian suka duka berlaku di tapak. Paling sadis, van habis kotor sebab tanah berair dan terkeluar dari guni. Aduhai anak-anak. Dah pesan bawa plastik lapik tapi hanya guni berlubang yang dibawa. Namun pelajar-pelajar ni bagus. Setelah selesai keluarkan kesemua guni tanah, mereka tolong cuci van. Pakcik van pun tersenyum. Alhamdulillah urusan mengambil tanah pun selesai walaupun teramat penat dan lapar. Masing-masing pun gembira dah ada tanah untuk ujian makmal. Gambar di bawah dapat menceritakan perasaan masing-masing.. Ini semua akan kekal menjadi kenangan buat kami. Kini mereka telah lulus dengan jayanya FYP2. Semoga terus berjaya dalam hidup dan menjadi insan yang berguna untuk bangsa dan negara...

